



Assaggi di Bisalta
portale linguistico e culturale dei territori della Bisalta

grafia Escolo dòou Po

Èl sessant

Coura èl país ou s'é merà vers sud-est, ëdcò la gezia a l'é èstèta merâ e a l'é èstèta coustruìa ënt la part basa ët Cours Bizalta, chamâ Valgea. Òoura a l'é la Gezia Veia o Gezia ët la Santissima Trinità e a l'é èstèta la Gezia ët Boevès fin al 1675 coura a l'an fèt la gezia nœva pi granda ës la "Ripa di Bove" que saria Piasa ët l'Ourm.

La piasa ët l'Ourm, que a l'era chamâ parèi pèr so arbu vei ët tanti secoui que ou l'é èstèt campà ju ënt ël 1938, al post a i an piantà ën carpou bianc, a l'é douminâ da la Gezia paroquial ët San Bartroumé, sant protetoû ët Boevès, fèta a la manera baroca. So chouqué ou l'era chamà ënt ël Medioevo "la Tour ët l'Est" pèrquè a l'era la veia tour ët vardia dël Rousat. Vèrs ël 1590 ël Coumun ou l'a firmà ël countrat coun ël parcou Don. G. B. *Ascheri* pèr adatâ la tour couma chouqué ounda a soun èstète panduve tre choque. Sël chouqué a i é na pitura coun l'èstema ët Boevès coun ël bæ e la Bizimaouda.

Fora ët la Gezia, na fountana ët pera a varda ëncòu la data ëscrita ën latin "1514 DIE 15 NOVEB". Avand pià pé la relijoun valdeza e di proutestènt, la gezia catolica a l'a mandà d'èscadre ët frèe (pèr la pi part *cappuccini*) pèr portâ tourna la jant a la fede vera, fasant ëdcò ët gezie e ët counfraternite nœve: couma la Gezia ët Santa Crous (la Crouzà ënt la parlâ dël post) dël prinsipi dël Setsant, òoura døourâ couma loucal pèr ël counferense. Coun ël quèrse ët l'epidemie, ën particolar après ët la pest dël 1630, a soun èstète fète ëdcò ët capèle ën ounour ët San Roc e ël Santouari ët Sant Antoni.